

## Universitätsbibliothek Paderborn

### **Theologia Moralis, Seu Resolutio Casuum Conscientiæ**

Juxta Sacram Scripturam, Canones, Et Sanctos Patres

Continens Tractatus de Sacramentis Pœnitentiæ & Extremæ Unctionis;  
necnon varia summorum Pontificum Decreta, contra Moralis corruptæ  
propositiones, & alia

**Genet, François**

**Parisiis, 1703**

Tractatus Septimus. De Sacramento Extremæ Unctionis.

**urn:nbn:de:hbz:466:1-40817**



## TRACTATUS SEPTIMUS

DE

SACRAMENTO  
EXTREMÆ UNCTIONIS.

## CAPUT PRIMUM.

*De Nominis, definitione, institutione,  
materia & forma hujus Sacramenti.*

Catechis.  
Conc. Trid.  
part. 2<sup>o</sup>

Quæst. 1. **C**UR hoc Sacramentum vocatur Extrema-Uncio?

Resp. Hoc Sacramentum, ait Catechismus Concilii Tridentini, idcirco Extremam-Uncionem appellatum esse, quod hac omnium Sacrum Vnctionum quas Dominus Salvator noster Ecclesiæ sua commendavit, ultima admiranda sit. Quare hec ipsa Vnctio à Majoribus nostris Sacramentum etiam Vnctionis infirmorum, & Sacramentum exeuntium dicta est: quibus vocabulis fideles in memoriam novissimi illius temporis facile redire possunt.

Quæst. 2. Quid est Extrema-Uncio?

Resp. Est Sacramentum quo Fideles cum infirmi sunt recipiunt remissionem reliquatum peccatorum suorum; gratiam quâ possint patienter ferre labores & incommoda mortali virtutem seu vim, quâ se disponant ad bene moriendum, aut sanitatis restitutionem, si ea

*De Sacram. Extr. Vnct. Cap. I. 227*  
sanitati animæ utilis sit. Hanc definitionem  
sequentibus quæstionibus pleniùs explicabimus.

*Quæst. 3.* Quisnam instituit hoc Sacra-  
mentum?

*Resp.* Christus Dominus noster, qui & cæ-  
tera Sacraenta instituit: ut enim ait Conci-  
lium Tridentinum: *Instituta est autem Sacra Concil. Tri-  
hac Vnctio infirorum, tanquam verè &  
propriè Sacramentum novi Testamenti à Chris- dent. sess. 14.  
to Domino nostro, apud Marcum quidem De Sacram.  
insinutum, per Jacobum autem Apostolum ac Unct. cap. 1.  
Domini fratrem, fidelibus commendatum ac  
promulgatum: *Infirmatur*, inquit, quis in  
vobis inducat Presbyteros Ecclesiarum, & orent  
super eum, ungentes eum oleo in nomine Do-  
mini; & Oratio fidei salvabit infirmum, &  
alleviabit eum Dominus; et si in peccatis sit,  
dimittentur ei.*

*Quæst. 4.* Quænam est materia hujus Sa-  
cramenti?

*Resp.* Eam his verbis definit Concilium Tri-  
dentinum. *Intellexit enim Ecclesia materiam Conc. Tri.,  
esse oleum ab Episcopo benedictum: Nam ibid.,  
Vnctio aptissimè Spiritus-sancti gratiam, quā  
invisibiliter anima agrotantis inungitur, re-  
presentat.*

*Quæst. 5.* Specialis benedictio, quā uititur  
Ecclesia in hoc oleo infirorum, est-ne de  
necessitate hujus Sacramenti?

*Resp.* Videtur esse de necessitate; ita ut si  
Presbyter infirmum periculosè decubentem  
ungeret oleo, vel non consecrato, vel per  
alium, quam per Episcopum, nullum penitus  
esset Sacramentum: & ratio est, quia quando  
Concilium Tridentinum definit oleum ab  
Episcopo benedictum, esse materiam Sacra-  
menti Extremæ-Uncionis, videtur tantum  
voluisse loqui, de oleo benedicto in usum

## 222 TRACTATUS VII.

hujus Sacramenti & non aliorum.

Quæst. 6. Quid agendum esset à Presbytero, qui per errorem usus fuisset in administrando hoc Sacramento, oleo Catechumenorum, aut Chrismatis?

S. Carol. Aet. Resp. Ex sancto Carolo: Si per errorem sap. 4. Instruct. cerdos aliud oleum, quam quod infirmorum Extrem. Vnot. est, ad agrotum ungendum unquam adhibuerit, etiamsi Chrismatis aut Catechumenorum sit; ut erratum emendet, olei sacri quod proprium infirmorum est, unctionem eidem adhibeat, tumque Sacramenti formam iteret.

Quæst. 7. Quid agere debet Sacerdos, cum non sufficit oleum consecratum ad unctiones perficiendas?

Resp. Ex Rituali Romano, de Sacramento Extremæ-Untionis: Si forte intra annum aliquo modo ita deficiat, ut sufficere non posse videatur, neque aliud benedictum haberi queat, modico oleo non benedicte in minori quantitate superinfuso reparari potest.

Quæst. 8. Quare oleum Extremæ-Untionis oportet esse benedictum?

Resp. Sanctus Thomas huic quæstiōni ref. S. Thom. in Pondet his verbis. Potest autem triplex ratio suppl. 3. p. assignari, quare exigitur materia sanctificatio q. 29. art. 5. in hoc Sacramento. Prima est, quia omnis in corp. efficacia Sacramentorum à Christo descendit: & ideo Sacraenta illa, quibus ipse est usus, habent efficaciam ex ipso usus suo, sicut tactu sua carnis vim regenerativam contulit aquis. Sed hoc Sacramento non est usus, nec aliqua corporali unctione: & ideo in omnibus unctionibus requiritur sanctificatio materia. Secunda causa est, propter plenitudinem gratiae que confertur, non solum ut tollat culpam, sed etiam reliquias culpa, & infirmitatem corporis. Tertia est ex eo quod effectus ejus corpo-

*De Sacram. Extr. Vnct. Cap. I. 223*  
ralis, scilicet sanatio corporalis, non causa-  
tur ex materia naturali proprietate: Et ideo  
oportet quod haec efficacia ei per sanctificatio-  
nem detur.

*Quæst. 9. Quænam est materia proxima hu-  
jus Sacramenti?*

*Resp.* Ipsamet unctio, ut patet ex his Divi  
Jacobi verbis, *Vngentes eum oleo.* Et, ut ait  
Concilium Tridentinum; *Intellexit enim Ec-  
clesia materiam esse oleum ab Episcopo bene-  
dictum; nam unctio aptissimè Spiritus sancti  
gratiam, quâ invisibiliter anima ægrotantis  
inungitur, representat.*

Concil. Tride-  
tent. sess. 14.  
*De Sacram.  
Extrem. Vnct.  
tio. cap. 14.*

*Quæst. 10. Quænam est forma hujus Sa-  
cramenti?*

*Resp.* Idem Concilium ibidem asserit: *For-  
man deinde esse illæ verba: Per istam sanctam  
Vunctionem, &c. Quibus utitur Presbyter in  
administratione hujus Sacramenti.*

*Quæst. 11. In quibusnam corporis partibus  
fieri debent unctiones?*

*Resp.* Ut dicitur in Rituale Romano. *Quin-  
que vero corporis partes præcipue ungi debent  
quas veluti sensuum instrumenta homini na-  
tura tribuit; nempe oculi, aures, pares, os,  
& manus; attamen pedes etiam & renes un-  
gendi sunt; sed renum unctio in mulieribus,  
honestatis gratia, semper omittitur; atque  
etiam in viris, quando infirmus commodè  
moveri non potest. Sed sive in mulieribus sive  
in viris, alia corporis pars pro renibus ungi  
non debet.*

Rituale Ro-  
man. *De Sa-  
cram. Extrem.  
Vunctione.*

*Quæst. 12. Quando unguntur oculi, ant  
alix partes geminatae, sunt-ne proferenda ver-  
ba formæ super qualibet sigillatum?*

*Resp.* *Dum oculos, inquit Rituale Roma-  
num, aures & alia corporis membra, que-  
paria sunt, Sacerdos ungit, caveat ne altero*

K iiiij

## 224 TRACTATUS VII.

*ipsorum insegnando, Sacramenti formam prius  
absolvat, quam ambo hujusmodi paria mem-  
bra perunxerit. Debet autem semper incipere  
unctiones per oculum dextrum, & per alia  
membra dextra quando duplia sunt.*

**Quæst. 13.** Quid agendum est, cum ægrotus  
caret aliquo ex membris in quibus unctione  
fieri debet?

**Resp.** In hoc casu, unctione fieri debet in pa-  
te corporis ei membro proximiori, eadem  
verba formæ proferendo. Verbi gratia, si  
ægrotus manum unam tantum habeat, unctione

*S. Tho. in 4.  
sent. dist. 23.  
quæst. 2. art.  
3. quæst. 3.  
in corp.*

fieri debet in pugno vicino. *Mutilati*, inquit  
sanctus Thomas, *inungi* dībent quanto pro-  
pinquiūs esse potest ad partes illas in quibus  
unctione fieri debuerat: quia quamvis non ha-  
beant membra, habent tamen potentias ani-  
ma, qua illis membris debentur, saltem in  
radice: *et interius peccare possunt per ea, qua*  
*ad partes illas pertinent, quamvis non exte-*  
*rius.* Verbi gratia, qui sine manibus natus  
foret, velle potest furari & sic de aliis.

**Quæst. 14.** Manus debent-ne exteriūs, an  
interiūs inungi?

**Resp.** Manus verò ait Rituale Romanum,  
qua reliquis infirmis interiūs ungi debent,  
Presbyteris exteriūs ungantur; Et ratio est,  
quia scilicet in Ordinatione manus interior  
Presbyteri ei suit unctiona & consecrata.

**Quæst. 15.** Unctio pedum, debet-ne fieri in  
plantâ, aut superiūs?

**Resp.** Videtur quod hæc unctione fieri debeat  
in plantâ pedum, quia hac præcipue parte uti-  
mur ad ambulandum.

**Quæst. 16.** Quid agendum est, si fortè  
ægrotus decedat omnibus unctionibus nondum  
perfectis?

**Resp.** Ex eodem Rituali Romano: Si verò

*De Sacram. Extr. Vnct. Cap. II. 225*  
dum iungitur infirmus, decedat, Presbyter  
ultra non procedat, & prædictas orationes  
omittat; quod si dubitet an vivat adhuc, unc-  
tionem prosequatur sub conditione, pronun-  
ciando formam dicens: *Si vivis, per istam*  
*sancitam Vnctionem, &c.*

## C A P U T   I I .

*De Ministro hujus Sacramenti, & de  
iis quibus conferri debet.*

Quæst. 1. **Q** UIS N A M est Minister hu-  
jus Sacramenti?

Resp. Solus Sacerdos, juxta hæc Divi Ja-  
cobii verba, *Inducat Presbyteros Ecclesia;* nec  
alteri à Sacerdote, etiam in articulo necessi-  
tatis, competit hoc Sacramentum ministrare,  
ut definitum est in Concilio Tridentino, his  
verbis. *Si quis dixerit proprium Extrema-* Concil. Tri-  
*Vnctionis Ministrum, non esse solum Sacer-* dent. sess. 14.  
*dotem: Anathema sit.* De Extrem.  
Unct. Cap. 4.

Quæst. 2. Potest-ne omnis Sacerdos licetè  
ministrare hoc Sacramentum?

Resp. Solus proprius Sacerdos est verus, &  
ordinarius Minister hujus Sacramenti, ut ait  
sanctus Carolus. Nec verò, inquit, tamen S. Carol. Act.  
cuivis id ex sacris Decretis administrare licet: p. 4. In-  
sed proprio Parocho qui jurisdictionem habeat, truct. Ex-  
aut alteri, cui ille superiorve ministrandi Sa- trem. Unct.  
cramenti facultatem ex causa dederit.

Et Concilium Mediolanense quintum ait,  
*Si porrò is impeditus, aut aliàs in mora est;* Titul. Quæ  
*mortisque periculum instat, tunc Sacerdos* pertinent ad  
*alius ministret licet.* Sacram. 27. vñct.

Et in Clementinis, *De Privilegiis & excessi-* trans. Vñct.  
*bis privilegiorum. Capite Religiose,* sic.

K. v.

## 226 TRACTATUS VII.

habetur Religiosi qui Clericis aut Laicis Sacramentum Vnctionis Extrema ministrare, non habita super his Parochialis Presbyteri licentiā speciali, präsumpserint, excommunicationis incurvant sententiam ipso factō, per sedem Apostolicam duntaxat absolvendi.

Quæst. 3. Quodnam est Officium Parochi circa hoc Sacramentum?

Resp. Ut ait sanctus Carolus in Concilio Mediolanensi primo, *Extrema-Vnctionis Sacramentum curet Parochus, ut & groto, dum integris est sensibus, adhibeat*.

Et in Concilio Mediolanensi quinto dicitur: *Parochus ad ommem hujus Sacramenti in tempore administrandi diligentiam, præterquam quod præcipua cura sua, qua sancta sollicitudinis plena est, Officio valde admodum perpetuo excitetur: proposito etiam sibi exemplo sanctissimi Episcopi Malachia accendatur, qui tam vehementi animi dolore ex eo affectus est, quod culpâ suâ mulier quadam Sacramenti hujus gratiâ fraudata decesserit, ut totam noctem orando, gemendo, lacrymando consumperit, lacrymarumque vi, quasi maximo imbre, pro oleo sancto quod non ministravit, mortuam perfuderit: Manè autem exaudivit Dominus sanctum suum, ita ut illa è morte tanquam è somno excitata, è lecto se se erigens, Sacramentum hoc ab eo acceperit, ac deinceps à morbo convalesceret.*

Parochus, ut ait idem sanctus Carolus in Concilio Mediolanensi tertio, *in Sacramento Extrema-Vnctionis ministrando, & groto, ceterisque presentibus explicet vim illius & utilitates, tum ad animæ salutem, tum etiam ad corporis valetudinem, si hæc ad æternam gloriam profutura sit.*

Denique, ut dicitur in Concilio Mediola-

*De Sacram. Extr. Vnct. Cap. II. 227*  
nensi primo. Idem cum ad ungendum infir-  
mum accesserit, diligenter eum consoletur, &  
hortetur ut bono animo sit, & a curis ac  
desideriis hujus vita ad caelestis beatitudinis  
cognitionem ita se erigat, ut abjecto mortis  
metu, se a Deo in eternam requiem vocari  
gaudeat.

*Quæst. 4.* Quibusnam administrari debet  
hoc Sacramentum?

*Resp.* Ex sancto Carolo in Concilio Medio-  
lanensi quarto: *Parochus Extrema-Vnctionis*  
*Sacramentum*, sicut his ministrare debet,  
adultis scilicet periculose agrotantibus propè  
que moribundis, seniò confectis etiam non  
agrotis in diem morituris: Ita ipsis ne mi-  
nistret, nempe pueris rationis usu carentibus,  
mulieribus in partu laborantibus, ad bellum  
proficiscientibus, navigantibus, peregrinanti-  
bus, & iis qui mox ultimo supplicio multando  
sunt.

Quanquam enim haec personæ magno sint in-  
mortis periculo, id tamen non ex morbo con-  
tingit; sanctus autem Jacobus expressè dicit:  
*Infirmatur quis in vobis?*

*Quæst. 5.* Potest-ne hoc Sacramentum mi-  
nistrari iis, quibus nulla superest amplius cog-  
nitio, & nullus rationis usus?

*Resp.* Ex eodem sanctissimo Archipræsule  
in Concilio Mediolanensi tertio. *Quod Con-*  
*cilio primo Decretum est, ut dum ager inte-*  
*gris est sensibus, Extrema-Vnctionis Sacra-*  
*mentum ei ministretur: si tamen vel curan-*  
*tium negligentia, vel morbi vi, vel repenii-*  
*no aliquo casu sensum omnem amiserit, ut*  
*nihil planè intelligat, illius Decreti sententia:*  
*vetitum non esse declaramus, quin hoc Ex-*  
*trema-Vnctionis Sacramentum, ei ministrari*  
*liceat, si modò adhuc vivus, & dum usus*

*E. vi*

## 228 TRACTATUS VII.

rationis haberet, pii animi significationem dederit, ut inde judicari possit, eum hoc Sacramentum petiturum si adhuc integra mente esset.

Quæst. 6. Potest-ne hoc Sacramentum bis eidem ægroto ministrari?

Concil. Trident. sess. 14. De Extrem. Vnct. cap. 3.  
Resp. Hanc quæstiunculam egregiè dissolvit Concilium Tridentinum. Declaratur, inquit, etiam, esse hanc unctionem infirmis adhibendam, illis verò præsertim, qui tam periculosè decumbunt, ut in exitu vita constituti videantur, unde & Sacramentum exequunt nuncupatur. Quod si infirmi post suscepunt hanc unctionem convaluerint, iterum hujus Sacramenti subsidio juvari poterunt, cum in aliud simile vita discrimen inciderint.

S. Tho. sup. plem. 3. p. q. 33. art. 2. in corp.  
Observat autem sanctus Thomas, Esse quasdam diuturnas ægritudines, qualis est ethica & hydropisis, & hujusmodi; & in talibus non debet fieri Vnctio, nisi quando videntur producere ad periculum mortis; & si homo illum articulum evadat, eadem infirmitate durante, & iterum ad similem statum per illam ægritudinem reducatur, iterum potest inungi, quis jam quasi est alius infirmitatis status, quamvis non sit alia infirmitas simpliciter.

Quæst. 7. Potest-ne phreneticis & furiosis hoc Sacramentum administrari?

Non potest, si semper tales sint aut fuerint; quia, ut ait Divus Thomas: Illis qui sent. dist. 23. non possunt recognoscere, & cum devotione quæst. 2. art. 2. in respons. suscipere hoc Sacramentum, dari non debet; ad 3. quæst. & præsertim furiosis & amentibus.

Quoniam quidem in iis nullæ sunt peccatorum reliquæ, sicut & in infantibus à quibus indigeant pugari.

Infirmis autem, ut habetur in Rituali Romano, qui dum sanâ mente & integris sensibus.

*De Sacram. Extr. Vnct. Cap. III. 229*

essent illud petierunt, seu verisimiliter petiissent, seu dederunt signa contritionis, etiam si deinde loquaciam amiserint, vel amentes effecti sint, vel delirent, aut non sentiant, nihilominus praebatur. Sed si infirmus, dum phrenes aut amentia laborat verisimiliter posset quidquam facere contra reverentiam Sacramenti, non inungatur, nisi periculum tollatur omnino.

---

C A P U T III.

*De necessitate & effectibus Sacramenti  
Extrema-Vunctionis.*

Quest. I. **P**ERCEPTIO hujus Sacra-  
menti est-ne de necessitate præ-  
cepti?

Resp. Perceptio hujus Sacramenti videtur  
esse præcepta periculosè laborantibus, ut pro-  
batur ex his Divi Jacobi verbis. *Infirmatur Jacob. cap. 3.  
quis in vobis? inducat Presbyteros Ecclesie.* Et ut ait Concilium Tridentinum: *Nec verò Concil. Tri-  
stanti Sacramenti contemptus absque ingenti dent. sess. 14.  
scelere, & ipsius spiritus-sancti injuria, esse cap. 3.  
potest.*

Necessitas hujus Sacramenti probatur ex  
sine propter quem institutum est.

Nam, ut ait idem Concilium Tridentinum,  
*Clementissimus Redemptor noster Extr. Concil. Tri-  
Vunctionis Sacramento finem vita tanquam dent. sess. 14.  
firmissimo quodam præsidio munivit; nam etsi De Sacram.  
adversarius noster occasiones per omnem vitam Exrem Vnct.  
querat, & captet, ut devorare animas nos- in principio.  
tras quoque modo possit, nullum tamen tem-  
pus est, quo vehementius ille omnes sua ver-  
salia nervos intendat ad perdendos nos peni-*

## 230 TRACTATUS VII.

tus, & à fiducia etiam, si possit, divina misericordia deturbandos, quam cum impendere nobis exitum vita perspicit: Quæ quidem verba hujus Sacramenti necessitatem satis declarant.

**Ques.** 2. Quinam sunt effectus Sacramenti Extremæ-Uncionis?

**Resp.** Explicantur, ut ait Concilium Tridentinum, per hæc beati Jacobi verba. *Oratio fidei salvabit infirmum, & alleviabit eum Dominus, & si in peccatis sit, dimittentur ei.* Hinc constat, duos esse principales hujus Sacramenti effectus, alterum ad corpus, alterum ad animam pertinentes.

**Ques.** 3. Quinam sunt effectus pertinentes ad corpus?

**Seff. 14. cap. 2.** **S. Tho. in 4. sent. dist. 23. q. 1. art. 2.** **in resp. ad 2. quæst.** **Resp.** Sanitatem corporis interdum, ubi saluti animæ expedierit consequitur agrotus, ut ait Concilium Tridentinum. Et Divus Thomas ait: *Sicut ablutio Baptismi habet effectum corporalis ablutionis, quia etiam corporalem mundationem facit: Ita etiam Extrema-Uncio habet effectum corporalis medicationis, scilicet corporalem sanationem.* . . . Sed hac est differentia, quia corporalis ablutio ex ipsa naturali proprietate elementi facit corporalem mundationem, & ideo semper eam facit. Sed Extrema-Uncio non facit corporalem sanationem ex proprietate naturali materiae, sed ex virtute divina qua operatur rationabiliter. Et quia ratio operans nunquam inducit secundarium effectum, nisi secundum quod expedit ad principalem: ideo ex hoc Sacramento non sequitur corporalis sanatio semper, sed quando expedit ad spiritualem sanationem: & tunc semper eam inducit, dummodo non sit impedimentum ex parte recipientis.

*De Sacram. Extr. Vnct. Cap. III. 23.*

Ques. 4. Quinam sunt effectus hujus Sacramenti respectu animæ.

Resp. Quatuor sunt. Primum locum videtur obtinere gratia sanctificans, quod ei cum reliquis Sacramentis commune est; quod definitum fuit à Concilio Tridentino, his verbis:

*Si quis dixerit Sacram infirmorum Vnctionem non conferre gratiam, nec remittere peccata, nec alleviare infirmos: Anathema sit.*

Concil. Trid.

dent. sess. 14.

Can. 2.

Secundus ejus effectus est, arma viresque dare, quibus fortiter resistere possimus insultibus quos dæmon communis generis nostri inimicus inferre solet in extremis laborantibus; quanquam enim per totum vitæ tempus omnia quæ possit ad nos perdendos adhibere soleat media, tum potissimum artes omnes suas & astutias hic serpens exercet, ut nos in peccata præcipites agat, in hoc ultimo vitæ discrimine: conatur enim nos in desperationem impellere, & fiduciam illam nobis eripere, quam in paterna Dei misericordia collocare debemus; *Quocirca idem Concilium Tridentinum ait: Aegroti animam alleviat, & confirmat, magnam in eo divinæ misericordia fiduciam excitando, qua infirmus sublevatus, & morbi incommoda ac labores levius fert, & tentationibus dæmonis calcaneo insidiantis facilius resistit.*

Tertius effectus Sacramenti Extremæ-Uncionis est, delere peccata venialia, & etiam mortalia, quando aegrotus veram eorum concipit contritionem, & facultatem non habuit ea confitendi: Idecirco beatus Jacobus Apostolus ait, *Et si in peccatis sit, scilicet infirmus, remittentur ei.*: Et, ut ait Concilium Tridentinum ibidem: *Delicta si qua sint adhuc expienda, ac peccati reliquias abstergit.* *Quod quidem, secundum Divinam Thomam, intel-*

sess. 14.

c. 2.

## 232 TRACTATUS VII.

ligi debet tam de mortali quam de veniali peccato, sic enim ait: *Si invenit peccatum aliquod vel mortale vel veniale, quoad culpam, tollit ipsum, dummodo non ponatur obex ex parte recipientis.*

Quartus denique & ultimus hujus Sacra-  
menti effectus, qui ei maximè proprius est,  
est animam à reliquiis peccatis liberare; datur  
enim, ut ait Divus Thomas loco mox citato,  
*Contra illos defectus, quibus homo spiritua-  
liter infirmatur, ut non habeat perfectum vi-  
gorem ad actus vita, gratia, vel gloria; &  
hic defectus nihil aliud est, quam quadam  
debilitas & ineptitudo, qua in nobis relinqui-  
tur, ex peccato actuali vel originali: &  
contra hanc debilitatem homo roboratur per hoc  
Sacramentum.*

Omnis autem hi effectus tam insigne producti à Sacramento Extremæ-Untionis, ex-  
citare debent Pastores, ne quidquam præter-  
mittant vel negligant, ut tale auxilium præ-  
beant infirmis, quando eis magis prodesse  
potest ob bonas dispositiones ægroti, neve ex-  
pectent extremum vitæ discrimen, in quo vi-  
mori bi solent ita premi, ut non possint bene se  
præparare ad recipiendas gratias, quæ in ex-  
tremo illo conflictu adeo sunt necessariae. His  
quoque utri possunt rationibus Parochi, ut sibi  
commissos populos adhortentur ad hoc divi-  
num remedium obtinendum, quod adeo illis  
utile futurum est, ut implacabilem suum hos-  
tem superent, & æternæ vitæ aditum sibi pa-  
rent, quæ eorum victoriæ futura est merces  
magna nimis.

*Quest. 5. Quid est Oratio fidei de qua  
sanctus Jacobus loquitur?*

*Resp. Per orationem fidei potest, Primò in-  
telligi Oratio communis, quâ Sacerdos Sa-*

S. Tho, in  
suppl. 3. p. q.  
30. art. 1. in  
corp.

*De Sacram. Extr. Vnct. Cap. III. 233*

eramentum administrans, & adstantes, invocant Deum, ut infirmo periclitanti salutem animæ, & corporis, si ad ejus salutem sit profutura, impertiatur.

Secundò, Oratio fidei propriè loquendo, est forma Sacramenti Extremæ Unctionis, quæ quidem forma, cùm sit deprecatoria, seu per modum Orationis, necessariò adjunctam habet fidem, cui veluti radici, Oratio, tanquam ejus primus fructus, adscribitur.

Tertiò, dicitur Oratio fidei, quia fides complectitur & significat omnes virtutes quæ ex ipsa profluiunt.

Quartò, dicitur Oratio fidei, quia pro solis fidelibus est instituta, & proficiscitur ex fide Ecclesiæ, cujus Sacerdos hujus Sacramenti minister personam sustinet.

Denique quia Oratio, quæ sacrae Unctionis formam constituit, totque præstantes effectus, si modo fides commendet, & hos qui precantur & illum pro quo deprecantur, in suscipientium animis ingenerat, sola fide intelligitur, ut potè quæ magnum Mysterium fidei contineat.

---

C A P U T I V .

*Quænam Dispositiones ad legitimam  
hujus Sacramenti perceptionem  
exiguntur.*

*Quæst. I.* **Q**UÆNAM dispositiones exiguntur ad hoc Sacramentum ritè suscipiendum?

*Resp.* Præsuppositis dispositionibus remotis, ut qui ungendus est oleo sacro, sit Baptismi Sacramento iniciatus; ut periculose decum-

## 234 TRACTATUS VII.

bat, ut sit adultus, id est ad rationis usum pertigerit, ut nullâ excommunicationis notâ sit innodatus. His, inquam, præsuppositis,

inter dispositiones proximas & internas, pri-

*A&c. p. 4. Ins-  
truct. Extrem.  
Funct.*

mum locum obtinet ut ægrotus sit in statu gratiae, Quoniam, ut ait sanctus Carolus, nihil Sacramenti gratiam magis impedit, quam mortiferi alicujus peccati conscientia; idcirco in eo ministrando usum consuetudinemque hanc tenebit, ut si fieri potest, infirmum non ante ungat, quam peccata confessus sit. Et ut habet Rituale Romanum: In quo illud imprimis ex generali Ecclesiæ consuetudine observandum est, ut si tempus, & infirmi conditio permittat, ante Extremam-Vnctionem, Pœnitentia & Eucharistia Sacra-menta infirmis prebeatantur. Sin autem morbi vis ita impediat ægrotum, ut confiteri non possit, eum Presbyter excitare debet, ut verum sui peccati dolorem concipiatur; ejusque remissionem ita mereatur: Si vero nulla possit indicia Pœnitentia prebare, sive quia in phrenesim incidit, aut alio quovis modo vi morbi oppressus est, eo tamen Sacramento Parochus eum privare non debet, si probabiliter judicet, sive ex bona ægroti vita, sive ex præcedenti desiderio recipiendi Sacra-menta, ægrotum hoc Sacra-mentum petiturum si posset: Quo-

*S. Aug. lib.  
De Adulter.  
Conjug. cap.  
ultimo.*

niam, ut ait Divus Augustinus: Multò satius est nolenti dare, quam volenti negare, ubi velit an nolit non apparet; attamen credibilius est eum si posset, velle se potius dictum fuisse.

*S. Ant. 3. p.  
tit. 14. cap.  
& 5. 3.*

Et, ut ait sanctus Antonius, Sacra-mentum Extremæ-Vnctionis dari potest, dummodo appareant signa Pœnitentia in eo, nec in ali-quo alio notorio mortali inveniatur.

Et ut habetur in Canone, Non pœnitentibus

De Sacram. Extr. Vnct. Cap. IV. 235.

illud infundi non debet; Et, ut legitur in Can. Illud.  
Rituali Romano: Impoenitentibus verò, &  
qui in manifesto peccato mortali moriuntur,  
& excommunicatis, & nondum baptisatis  
penitus denegetur.

Licet autem infirmus confessus fuerit, eum-  
tamen Parochus excitare debet ad magnum  
de peccatis suis concipiendum dolorem, præ-  
fertim verò de iis, quæ malo sensuum usu  
commisit, quibus applicari debent Unctiones.

Secunda dispositio ad hoc Sacramentum  
cum fructu suscipiendum, est magna gratia  
& virtutis hujus Sacramenti fides, & fiducia  
comparanda cum illa, qua se sistebant Christo  
& Apostolis quotquot ab iis animæ, corpo-  
risque sanitatem impetrare gestiebant, ut ait  
sanctus Carolus, Ut eâ fide, inquit, se un-  
gendum præbeat, quā olim qui à sanctis Apos-  
tolis sanandi erant: Quoniam vivâ imprimis  
fide, cum ferventi Oratione conjunctâ, hu-  
jus Sacramenti effectus percipitur: Oratio  
enim Fidei, ut ait sanctus Jacobus, salvabit  
infirmum. Quocirca Sacerdos hoc Sacramen-  
tum administraturus debet hortari, & excita-  
re præsentes ad orandum pro infirmo, ut à  
Deo consequatur per hujus Sacramenti appli-  
cationem, gratiam quam conferre debet, quæ  
tantopere necessaria est in hoc ultimo vitæ  
discrimine, in quo de æternitate agitur.

Quæst. 2. Quænam sunt dispositiones ex-  
ternæ, & cæmoniæ observandæ in adminis-  
tratione Sacramenti Extremæ-Untionis?

Resp. Sic præscribuntur in Rituali Romano  
de Sacramento Extremæ-Untionis. Sacerdos  
hoc Sacramentum ministraturus, quatenus  
fieri poterit, parari curet apud infirmum men-  
sam mappâ candidâ coopertam, itemque vas  
in quo sit bombacium: seu quid simile in-

A&t. p. 4. r. 10.  
Quæ Præp.  
ad Extrem.  
Unct. adhi-  
benda.

236 T. 7. De Sa. Ex. Vnct. C. IV.

septem globulos distinctum , ad distergendas  
partes inunctas ; medullam panis ad dister-  
gendo digitos , & aquam ad abluendas Sacer-  
dotis manus ; ceream item candelam , quæ deinde  
accensa ipsi ungenti lumen præbeat. Denique  
operam dabit , ut quantâ poterit munditiâ ac  
nitore hoc Sacramentum ministretur. Deinde  
convocatis Clericis , seu Ministris , vel saltem  
uno Clerico , qui crucem sine hastâ , aquam  
benedictam cum asperforio , & librum Ritua-  
lem deferat , ipse Parochus decenter accipit  
vas sacri olei infirmorum , sacculo serico vio-  
lacei coloris inclusum , illudque cautè defert,  
ne effundi possit. Quod si longius iter per-  
agendum , aut etiam equitandum sit , vel alias  
ad sit periculum effusionis , vas olei sacculo  
aut bursa inclusum , ut dictum est ad collum  
appendat , ut commodius , & securius pra-  
ferat ; procedat autem sine sonitu campanulae ,  
& ut pleniùs in Rituali Romano habetur.

